

ЯНГИ ЎЗБЕКИСТОН

Ижтимоий-сиёсий газета

№ 197 (986), 2023 йил 27 сентябрь, чоршанба

www.yuz.uz yuz.uznews yuz_official yuz.uz_news

ЎЗБЕКИСТОН ПРЕЗИДЕНТИ ҚИРГИЗИСТОН БИЛАН ПАРЛАМЕНТЛАРАРО АЛОҚАЛАРНИ КЕНГАЙТИРИШ МУҲИМЛИГИНИ ТАЪКИДЛАДИ

Ўзбекистон Республикаси Президенти Шавкат Мирзиёев ташриф билан мамлакатимизда бўлиб турган Қирғиз Республикаси Жогорку Кенешини Торағаси Нурланбек Шакиевни қабул қилди.



Ўзбекистон билан Қирғизистон ўртасидаги дўстлик, яхши кўшничилик ва кенг қўламли стратегик шериклик муносабатларини янада мустаҳкамлашнинг долзарб масалалари кўриб чиқилди.

Учрашув аввалида Қирғизистон парламенти раиси давлатимиз раҳбарига Қирғиз Республикаси Президенти Садир Жапаровнинг саломи ва энг эзгу тилакларини етказди.

Сўхбатда икки томонлама ҳамкорлик бугун юксак даражага чиққани ва сермаҳсул бўлаётгани алоҳида мамнуният билан қайд этилди. Хусусан, турли даражаларда фаол мулоқот ва алмашиувлар олиб борилмоқда, товар айирбошлаш ва юк ташиш ҳажми ортмоқда, кооперация лойиҳалари, шу жумладан, қўшма жамғарма инвестицияларини жалб қилган ҳолда амалга оширилмоқда.

Кўп қиррали муносабатларни кенгайтириш, олий даражада эришилган келишувларни рўйбога чиқариш ва истиқболли лойиҳаларни илғари суриш, ҳудудлар ва ишбилармонлар даражасида амалий ҳамкорликни йўлга қўйиш ҳамда мамлакатларимизда маданий-гуманитар тадбирларни ўтказишда яқин парламентлараро алоқаларни ривожлантириш алоҳида аҳамиятга эга экани қайд этилди.

Ихтисослаштирилган халқаро ташкилотлар доирасидаги ҳамкорлик ва ўзаро мувофиқлашувни кучайтириш муҳим экани таъкидланди.

ЎЗА

“BYD” КОМПАНИЯСИНING МАМЛАКАТИМИЗДА АВТОМОБИЛЛАР ИШЛАБ ЧИҚАРИШНИ ТўЛИҚ ЙўЛГА ҚўЙИШ РЕЖАЛАРИ ҚўЛЛАБ-ҚўВВАТЛАНДИ

Ўзбекистон Республикаси Президенти Шавкат Мирзиёев 26 сентябрь куни Хитойнинг етакчи “BYD” компанияси президенти ва асосчиси Ван Чуаньфу бошчилигидаги делегацияни қабул қилди.

Таъкидлаш жоизки, “BYD” компанияси замонавий электромобиллар ва янги авлод аккумулятор батареяларини ишлаб чиқариш соҳасида глобал етакчи ҳисобланади. Бир йилда 2 миллион дона машина ишлаб чиқарувчи ушбу концерн дунё автомобиль саноати ривожланишининг асосий тенденцияларини белгилаб бермоқда.

Учрашувда компаниянинг Ўзбекистондаги фаолиятини кенгайтиришнинг амалий жиҳатлари, хусусан, Жиззах вилоятидаги гибрид ва электр автомобиллар ишлаб чиқаришни тез фурсатда йўлга қўйиш ҳамда кейинги босқичларда унинг қувватини 300 минг донага етказиш масалалари кўриб чиқилди. Махсулот таннархини камайтириш учун бутловчи ва эҳтиёт қисмларини маҳаллийлаштириш лойиҳаларига ҳамда автомобилларни учинчи мамлакатлар бозорига экспорт қилишни ташкил этишга алоҳида эътибор қаратилди. Шунингдек, мамлакатимизга “BYD” электробусларини етказиб бериш ва уларга хизмат кўрсатиш бўйича муҳандислик-сервис марказларини очиб режалари қўллаб-қувватланди.

ЎЗА

МАҲАЛЛА ТИЗИМИНИ ЯНАДА КУЧАЙТИРИШ МАСАЛАЛАРИ МУҲОКАМА ҚИЛИНДИ

Президент Шавкат Мирзиёев раислигида 26 сентябрь куни маҳаллабай ишлаш тизимини янада кучайтириш чора-тадбирлари муҳокамаси юзасидан видеоселектор йиғилиши ўтказилди.

Мамлакатимизда барча ижтимоий-иқтисодий дастурлар аҳоли талабидан келиб чиқиб, жойларда амалга оширилмоқда. Бунинг учун маҳаллаларга кўплаб ваколатлар, ташкилий ва молиявий имкониятлар берилди. Маҳалла раиси, ҳоким ёрдамчиси, хотин-қизлар фаоли, ёшлар етакчиси ҳамда профилактика инспекторидан иборат “бешлик тизими” ташкил этилди.

Лекин уларнинг ўзаро мувофиқ ишлашида камчиликлар, жуда кўп тақдорлининг бор. Ижтимоий мақсаддаги маблағлар баъзан самарасиз йўналтириляпти. Эҳтиёжман аҳолининг масаласини ҳал қилиш вилоят ва республика идорасига боғлиқ қолган. Маҳалла ходимлари фаолиятини баҳолаш мезони йўқ. Уларнинг кўп вақти “қоғоз тўлдирди” ва мажлисларга кетяпти. Йиғилишда шу каби камчиликлар таҳлил қилиниб, тизимни такомиллаштириш ва самарадорлигини ошириш бўйича янги ёндашувлар белгиланди.

Унга кўра, энди маҳалла бошқарувида солиқчи ва ижтимоий хизмат ходими ҳам қўшилиб, “маҳалла еттилик” бўлади. Эҳтиёжман аҳолини рўйхатга киритиш, моддий ёрдам, субсидия ва кредит ажратиш каби 70 дан ортиқ масалалар туман ва вилоят

идораларига чиқмасдан, маҳалланинг ўзида жамоавий ҳал қилинади. Шунингдек, Бандлик, Тадбиркорлик ва Касаначилик жамғармалари маблаглари ҳар бир маҳаллага тақсимлаб берилди. Маҳаллада қўлай ва электрон иш юритиш йўлга қўйилади. Амалдаги учта платформа — “Онлайн маҳалла”, “Хотин-қизлар”, “Ёшлар портали” ўзаро интеграция қилиниб, ягона тизимда мужассамлаштирилади.

“Маҳалла еттилик” ишини мувофиқлаштиришда маҳалла раисларининг ваколатлари кенгайтирилади. Жумладан, уллар ҳоким ёрдамчиси, ёшлар етакчиси, хотин-қизлар фаоли, профилактика инспектори, солиқчи ва ижтимоий ходимни рағбатлантириш ёки интизомий жазо қўллаш бўйича тақдирнома киритиш ваколатига эга бўлади. Шулардан келиб чиқиб, мутасаддиларга “маҳалла еттилик”нинг вазифаларини аниқ белгилаш ва фаолиятини тўғри йўналтириш бўйича кўрсатмалар берилди. Ижтимоий лойиҳаларга илмий ва нодавлат ташкилотларни ҳам жалб қилиш муҳимлиги айтилди.

Йиғилишда маҳалла тизимини такомиллаштиришнинг ташкилий чоралари ҳам белгиланди. Хусусан, маҳаллаларни ривожлантириш ва қўллаб-қувватлаш бўйича республика, вилоят ва туман (шаҳар) кенгашлари жорий этилади. Республика кенгашига — Бош вазир, ҳудудий кенгашларга эса ҳокимлар раҳбарлик қилади. Кенгашлар “маҳалла еттилик” қўйган масалаларга ечим топади, молиявий манбаларини ҳал қилиб беради. Мазкур ишларни муҳокамада билдирилган барча тақдирларни инobatга олган ҳолда, соҳанинг ташкилий тузилмаси, ваколатлари ва молиялаштириш манбалари кўрсатилган ҳужжат лойиҳаси ишлаб чиқиш топширилди.

Биз фаолиятимизнинг биринчи кунларидан ҳамма ишни маҳаллада, халқимиз билан биргаликда ташкил қилиб келямиз. Бу тизимни босқичма-босқич ривожлантиридик. Энди яна қўшимча куч, имкониятлар берилляпти. Бу ҳам ваколат, ҳам масъулият дегани. Маҳаллалар — давлатимизнинг энг катта замини, — деди Шавкат Мирзиёев.

Йиғилиш сўнгидан вазирлар ва ҳокимлар, жойлардан маҳалла раислари ушбу йўналишда амалга оширилаётган ишлар ва янги топшириқлардан келиб чиқиб, келгусида иш режалари бўйича ахборот берди.

ЎЗА

БУЮК ЎЗБЕК ЙўЛИ ХАЛҚ ИШОНЧИ – ҚўТЛУФ ТАҚДИР ЁҲУД ЯШОВЧАНЛИК ВА БАРДАВОМЛИК РУҲИ

ПРЕЗИДЕНТ ШАВКАТ МИРЗИЁЕВНИНГ БМТ БОШ АССАМБЛЕЯСИДАГИ НУТҚИДАН ЎРИН ОЛГАН 10 ТА МУҲИМ АСПЕКТ

Дунёда ҳеч қачон бир хил тонг отган эмас. Мазкур ибора пайдо бўлганидан буён минг йиллар ўтди. Бу бутун коинот, табиат ва башариёт доимий ўзгаришда, янгиликларда, деганидир. Дарҳақиқат, инсоният ҳам ана шу азалий қонуният асосида яшайди ва ҳаёт кечиради. Бу фикрлар Президент Шавкат Мирзиёевнинг “Янги Ўзбекистон стратегияси” китоби муқаддимасидан ўрин олган. Бутун биз шу азалий ҳикмат қонинининг янгиликларини маънавийлик фаёласидан ва ҳаётининг моҳияти ҳақида мушоҳада юритмоқчимиз.

Мақсадимиз аввалида эса Президент Шавкат Мирзиёев 19 сентябрь куни бўлиб ўтган БМТ Бош Ассамблеяси 78-сессиясидаги ўз нутқини халқаро муносабатлар тизимида фундаментал ўзгаришлар юз бераётгани ишораси билан бошлаганига эътибор қаратамиз. Ишора жаҳон миқёсида иншонч инқирози кузатилаётгани, глобал хавфсизлик институтлари фаолиятдаги муаммолар ва халқаро ҳуқуқ меъёрларидан чекиниш кучаяётгани, буларнинг барчаси кенг кўлагдаги кескинлик ортишига сабаб бўлаётгани билан ойдинлаштирилди.

Бу нутқдаги биринчи эътиборли назар ва кишини ҳушёр тортирадиган катта чакирек эди. Фундаментал ўзгаришлар қандай шароитда ва нималар таъсирида юз бермоқда? Бу, аввало, табиат кучи ва руҳи билан боғлиқ. Инсониятнинг орда қолган чексиз эволюцияси асрдан асрга, даврдан даврга ҳаёт учун курашининг янги тенденцияларини ортомқлаб ўта бошлади, уларнинг ҳар бирида қувватланиш руҳи бўлди.

Ихтироларнинг барчаси тириклик ёки тирикчилик эҳтиёжи учун яратилгани аён. Шу билан бирга, бу ихтиролар одам авлодлари қалбида табиатнинг кўзга кўринувчи ва ҳаракатга келувчи моҳияти устидан ҳукмронлик ҳиссини ҳам уйғотди. Шунда қудратий қарашлар шаклланди. Унинг ордидан шахсийликка интилиш фикри куртаклади.



Табиат — буюк қудрат. Мўъжизавий характерга эга. Бу ҳилқат асрлар мобайнида инсоният учун тириклик манбаи бўлиб келмоқда. Лекин унга нисбатан аёвсиз муносабат кишилик жамиятига жуда катта инқироз бўлиб қайтаётгани биз — бугунги авлодлар кўриб, ўз ҳаётимизда сезиб турибмиз.

Мана шу факторларнинг барчаси давлатлар ўртасида бўлиниш, ўзаро иншонч инқирози содир бўлишига замин яратгани сир бўлмай қолди. Шу маънода, Президент Шавкат Мирзиёевнинг халқаро муносабатлар тизимида фундаментал ўзгаришлар юз бераётгани ҳақидаги фикрлари дунё минбаридан туриб айтилгани барчамизни яна бир бор огоҳликка чорлади. Зеро, янгиликларнинг, ўзаро боғлиқликда ривожланиш эҳтиёжи пайдо бўлган асримизда зарур хулосалар чиқариш ва ҳамжиҳатликни, иншонч руҳини мустаҳкамлаш, тирикчилик асраш ҳар қачонгидан-да долзарб, жуда долзарб бўлиб қолмоқда.

Иккинчи муҳим аспект — бирдамлик таъаббуси. Бу ҳозиргина айтганимиз — иншонч инқирозининг малҳами, дейиш ўринли бўлади. Шу боис, бу таъаббус халқаро экспертлар, сиёсий доира вакиллари томонидан қизгин қўллаб-қувватланмоқда.

1 ОКТЯБРЬ — Ўқитувчи ва Мураббийлар куни

МАКТАБ ҚўРГАН МУАЛЛИМ

5-бетга қаранг.

Давоми 3-бетда

